

龍共定菴文選

詳註國學讀本



上海中央書店印行

編書瑞吳

選文菴定龔

行印店書央中

民國二十四年五月出版

一角八分

龔定菴文選 全二冊 定價大洋八角

編輯者 吳 瑞 書

校訂者 儲 菊 人

出版者 中 央 書 店

版權所有
翻印必究

總發行所上海 四馬路 中央書店

全國各大書局均有代售

詳註國學讀本 龔定菴文選目錄

論議

治獄……………一

治學……………二

覘國……………四

突異……………五

胎觀……………六

六經正名……………七

葛伯仇餉解……………九

文

覘恥……………一〇

尊任……………一一

論私……………一二

抱小……………一三

明良論(一)……………一五

明良論(二)……………一六

明良論(三)……………一八

明良論(四)……………二〇

闡告子……………二二

非五行傳……………二二

京師樂籍說……………二四

諷書射策議……………二四

保甲正名……………二六

西域置行省議……………二七

說昌平州……………二三

說天壽山	三三
說居庸關	三四
說張家口	三五
說刻石	三七
說碑	三七
廬之推	三八

序跋

蒙古水地志序	三九
蒙古氏族表及在京氏族表總序	三九
青海志序	四〇
千錄新書自叙	四一
長短言自叙	四一
江南生橐筆集叙	四二
院尙書年譜第一叙	四三
懷寧王氏族譜叙	四九

江左小辨叙	五〇
上海李氏藏書志叙	五〇
陳碩甫所著書序	五一
江子屏所著書序	五三
陸彥若所著書序	五四
錢吏部遺集序	五六
袁通長短言序	五六
續溪胡戶部文集序	五七
金孺人畫山水序	五八
上清真人碑書後	五九
識某大令集尾	五九
最錄列子	六一
最錄司馬法	六一
最錄平定羅刹方略	六二
送欽差大臣候官林公序	六三
送夏進士序	六五

叙嘉定七生……………六五

道碑銘……………七七

奏疏

安邊綏遠疏……………六七

傳述

宋先生述……………八二

書番禺許君……………八二

書葉機……………八三

書金伶……………八四

吳之耀……………八六

松江兩京官……………八八

己亥六月重過揚州記……………八九

病梅館記……………九〇

書牘

與人論青海事書……………六九

與陳博士箋……………七〇

與江居士書……………七〇

與人箋三首……………七一

碑銘

王仲瞿墓表銘……………七三

工部尙書高郵王文簡公墓表銘……………七五

江南安慶府知府何公墓表銘……………七六

武顯將軍福建海壇鎮總兵官丁公神

評註國
學讀本 龔定菴文選

論議

治獄

客問龔自珍曰。子之南也。奚所覩。曰。異哉。覩書獄者。獄如何。曰。古之書獄也。以獄。今之書獄也。不以獄。微獨南。邸抄之獄。獄之衅皆同也。始狡不服。皆同也。比其服。皆同也。東西南北男女之口吻神態。皆同也。獄者之家。戶牖牀几器物之位置。皆同也。吾睹一。或釋褐而得令。視獄自書獄。則府必駁之。府從則司必駁之。司從則部必駁之。視獄不自書獄。府雖駁。司將從。司雖駁。部將從。吾睹二。視獄自書獄。書獄者之言將不同。曰。臣所學之不同。曰。臣所聽之不同。曰。臣所思慮之不同。學異術。心異藏也。或亢或孫。或簡或縟。或成文章語。中律令。或不成文章語。不中律令。曰。臣所業於父兄之弗同。部有所攷。以甄核。上有所察。以甄核。下將在是矣。今十八行省之挂仕籍者。語言文字畢同。吾睹三。曰。是有書之者。其人語科目。京官來者曰。京秩官未知外省事宜。宜聽我書。則唯唯。語入貲來者曰。女未知仕宦。宜聽我書。又唯唯。語門蔭來者曰。汝父兄且攝我。又唯唯。尤力持以文學名之官曰。女之學術文義。皆不中當世。

用。尤宜聽我書。又唯唯。今天下官之種類。盡此數者。既盡驅而師之矣。強之乎。曰。不既甘之矣。吾睹四佐雜書小獄者。必交於州縣。佐雜畏此人矣。州縣之書獄者。必交於府。州縣畏此人矣。府之書獄者。必交於司道。府畏此人矣。司道之書獄者。必交於督撫。司道畏此人矣。督撫之上客。必納交於部之吏。督撫畏此人矣。吾睹五其鄉之籍同。亦有師。其教同。亦有弟子。其尊師同。其約齊號令同。十八行省皆有之。豺踞而鵠視。蔓引而繩孳。亦有愛憎恩仇。其相朋相攻。聲音笑貌同。官去弗與遷也。吏滿弗與徙也。各行省又大抵同。吾睹六狎富久亦自富也。狎貴久亦自貴也。農夫織女之出。於是共之。宮室車馬衣服僕妾備。吾睹七七者之嗜。非憂非劇。非醒非瘡。非鞭非箠。非符非契約。析四民而五。附九流而十。挾百執事而顛倒下上。哀哉。誰爲之而壹至此極哉。

〔註〕【書獄】記獄辭也。

【孫】同遜卑也。

【縛】繁也。

【佐雜】縣丞巡檢典使也。

【四民而五】

士農工商曰四民。曰五者。言加入一幕友也。

【九流而十】九流。謂儒道陰陽法名墨縱橫雜

及農也。曰十者。言加入一幕友也。

治學

自周而上一代之治。即一代之學也。一代之學。皆一代王者開之也。有天下。更正朔。與天下相見。謂之王。佐王者謂之宰。天下不可以口耳喻也。載之文字。謂之法。即謂之書。謂之禮。其事謂之史。職以其法載之文字而宣之士民者。謂之太史。謂之卿大夫。天下聽從其言語。稱爲本朝。奉租稅焉者。謂之民。民之識立法之意者。謂之士。士能推闡本朝之法意。以相誠語者。謂之師儒。王之子孫。大宗繼爲王者。謂

之後王。後王之世之聽言語奉租稅者。謂之後王之民。王若宰若大夫若民相與以有成者。謂之治。謂之道。若士若師儒。法則先王先冢宰之書。以相講究者。謂之學。師儒所謂學。有載之文者。亦謂之書。是道也。是學也。是治也。則一而已矣。乃若師儒有能兼通前代之法意。亦相誠語焉。則兼綜之能也。博聞之資也。上不必陳於其王。中不必采於其冢宰。其太史大夫。下不必信於其民。陳於王。采於宰。信於民。則必目誦本朝之法。讀本朝之書爲率。師儒之替也。源一而流百焉。其書又百其流焉。其言又百其書焉。各守所聞。各欲措之當世之居民。則政教之未失也。雖然。亦皆出於其本朝之先王。是故司徒之官之後爲儒。史官之後爲道家老子氏。清廟之官之後爲墨翟氏。行人之官之後爲縱橫鬼谷子氏。禮官之後爲名家鄧析子氏。公孫龍氏。理官之後爲法家申氏韓氏。世之盛也。登於其朝。而習其揖讓。聞其鐘鼓。行於其野。經於其庠序。而肄其豆籩。契其文字。處則爲佔畢絃誦。而出則爲條教號令。在野則執其祖宗之遺事。在朝則効忠於其子孫。夫是以齊民不敢與師儒齒。而國家甚賴有士。及其衰也。在朝者自殊其祖宗之遺法。而在庠序者。獨得據所肄習以爲言。抱殘守闕。纂一家之言。猶足以保一邦。善一國。孔子曰。郁郁乎文哉。吾從周。又曰。吾不復夢見周公。至於夏禮商禮。取識遺忘而已。以孔子之爲儒。而不高語前哲王。恐蔑本朝以干戾也。至於周及前漢。皆取前代之德功藝術。立一官以世之。或爲立師。自易書大訓雜家言。下及造車爲陶醫卜星祝倉庾之屬。使各食其姓之業。業修其舊。此雖盛天子之用心。然一代之大訓。不在此也。後之爲師儒不然。重於其君。君所以使民者。則不知也。重於其民。民所以事君者。則不知也。生不荷耨耨。長不習史事。故書雅記。十窺三四。昭代功德。瞠目未睹。上不與

君處。下不與民處。由是士則別有士之淵藪者。儒則別有儒之林囿者。昧王霸之殊統。文質之異尚。其惑也。則且援古以刺今。囂然有聲氣矣。是故道德不一。風教不同。王治不下究。民隱不上達。國有養士之費。士無報國之日。殆夫殆夫。終必有受其患者。而非士之謂夫。

【註】「正朔」年月日也。如夏以寅爲正月。商以丑爲正月。周以子爲正月。而民國則以陽曆爲曆是也。【大宗】嫡長房也。【替】廢也。【儒】崇拜孔子之道者。【老子】姓李。名耳。字聃。著有老子。後世道家奉爲祖。【墨翟】戰國時人。主兼愛尚同薄葬之說。著有墨子。【鬼谷子】亦戰國時人。爲縱橫家之祖。【鄧析子】周代鄭人。著有鄧析子。【公孫龍】戰國時人。爲堅白異同之辯。【申】戰國時人。名不害。崇尚法治。爲法家之祖。【韓】名非。著有韓非子。與申同主法治者。【蔑】輕視也。【戾】罪也。【昭代】今代也。

覘國

聞之聰古子。聰古子聞之思古子。思古子聞之歸古子。居廊廟而不講揖讓。不如臥穹廬。衣文繡而不聞德音。不如服囊鍵。居民上正顏色而患不尊嚴。不如閉宮庭。有清廬閒館而不進元儒。不如闢牧藪。榮人之生而不錄人之死。不如合客兵。勞人祖父而不問其子孫。不如募客作。載籍情之府也。宮廟文之府也。學士大夫情與文之所鍾也。入人國。其士大夫多。則朝廷之文必備矣。其士大夫之家久。則朝廷之情必深矣。豪傑入山澤。責人主之文也。勞人怨士之顛頽。缺人主之情也。故士氣申則朝廷益尊。士業世則祖宗益高。士詩書則民聽益美。其言如是。是善覘國哉。

突異

三代之立言也。各有世。世其言。守其法。察天文。刻章部。儲歷編年。紀月書日。史氏之世言也。規天矩地。匡兒言。防狂僭。通蒙蔽。順陰陽。布時令。陳肅聖哲謀。教人生法天。公卿師保大臣之世言也。言殛言祥。言天道。或諛或不。羣史之法。頗隸太史氏。不見述於孔氏。孔氏上承堯典。下因魯史。修春秋。大書日食二十又六事。儲萬世之歷。不言凶災。日食爲凶災。孰言之。小雅之詩人言之。七十子後學者言之。漢之羣臣博士言之。詩人之指。有瞽獻曲之義。本羣史之支流。又詩者。諷刺詠怪。連牀雜揉。旁寄高吟。未可爲敝正。七十子以後學者言。君后象日月。適見於天。日月爲食。漢臣之所昉也。漢臣采雅記古儀官書造周禮。又頗增益左氏傳。皆有伐鼓救天之文。衆儒譁咎時君。時君或自責。詔求直言。免三公。三公自免。大都君臣借天象。傳古義。以交相儆也。厥意雖美。不得闌入孔氏家法。曰古之公卿師保大臣太史氏。不欲借天象儆人君歟。曰立言各有緒。立教各有統。立官各有方。毋相借矣。大臣者。探本真以奉君。過言有誅。矧旁飾讒言。故慎毋借言矣。夫恒陽而旱。恒雨而潦。恒燠恒寒而疵癘。妨田功。妖人民。古無步之之術。雖有占諛塗傳之言。取虛象。無準的。無程期。箕子推本狂僭。孔子直書水旱。目爲凶災。宜矣。人主不學無藝能。雖借言以愚其君。無所用。人主好學多藝能。必有能自察天文步歷造儀者矣。將詰其臣曰。誠可步也。非凶災。誠凶災也。不可以步。借言者何以對。將大坐誣與謗。於是又有恒陽而旱。恒雨而潦。恒燠恒寒而疵癘。當儆人君。人君反不忌。雖箕子所寒心。孔子所危言。反坐誣與謗。言可以不中法乎哉。言可以不中法乎哉。其慎毋借言。後之擇言者何守。載筆治歷。守春秋言咎。

徵。守箕子。

【註】世世代也。即父傳子。子傳孫。不相越也。

【匡】正也。

【兒言】兒同貌。貌言。即浮華之言。

也。【諛】同驗。

【不】同否。

【連抃】抃亦作抃。宛轉貌。

【昉】始也。

【鑿言】不根之言也。

【步】推步也。即推算日月五星之度也。

【箕子】商公族。周滅商後。箕子陳洪範於周。封於

朝鮮。【藝能】才能也。

胎觀

既有世已。於是乎有世法。民我性不齊。是智愚彊弱美醜之始。民我性能記。立彊記之法。是書之始。中方左行。東方左行。南方左行。東南方左行。東北方右行。西南方左行。西北方右行。北方右行。皆曰文。文之華曰字。字有三名。曰聲。曰形。曰義。民我性能測。立測之法。是數之始。數始於一。極於九。凡地之上。天之下。空盡實之。必立九以求實。謂之算。算之大者。曰測。日月星。曰測地。日月星地。既可測。則立之分限。以紀人之居世者。名之曰歲。曰春夏秋冬。是歷之始。民我性能分辨。立分辨之法。有四。名之曰東西南北。以高爲北。庫爲南。南方日所出。北方日所入。以爲東。北方日所出。南方日所入。以爲西。是方位之始。民我性善病。蓋有蟲焉。以宅我身。則我身病。是病之始。於是別草木之性。以殺蟲。是醫之始。僂人食毛羽人。不知所始。食毛羽人。亦病之始。民我性能類。故以書書其所生。又書所生之生。是之謂姓。是譜牒世繫之始。一人生二子。則有長幼。則宗之始。有宗牒已。恐其亂。故部男女。是禁男女之始。佃有公侯伯有土之君始。民我性不齊。夫以僂人食毛羽人。及男女不相部。名之爲惡矣。其不然者。名爲善矣。是名

善惡之始。

【註】「倮人」人也。【毛羽人】鳥獸也。【部】分別也。

六經正名

龔自珍曰。孔子之未生。天下有六經久矣。莊周天運篇曰。孔子曰。某以六經奸七十君而不用。記曰。孔子曰。入其國。其教可知也。有易書詩禮樂春秋之教。孔子所觀易書詩。後世知之矣。若夫孔子所見禮。即漢世出于淹中之五十六篇。孔子所謂春秋。周室所藏百二十國寶書是也。是故孔子曰。述而不作。司馬遷曰。天下言六藝者。折衷于孔子。六經六藝之名。由來久遠。不可以臆增益。善夫漢劉向之爲七略也。班固仍之。造藝文志。序六藝爲九種。有經。有傳。有記。有羣書。傳則埶于經。記則埶于經。羣書頗關經。則埶于經。何謂傳。書之有大小夏侯歐陽傳也。詩之有齊魯韓毛傳也。春秋之有公羊穀梁左氏鄒夾氏亦傳也。何謂記。大小戴氏所錄凡百三十有一篇是也。何謂羣書。易之有淮南道訓古五子十八篇。羣書之關易者也。書之有周書七十一篇。羣書之關書者也。春秋之有楚漢春秋太史公書。羣書之關春秋者也。然則禮之有周官司馬法。羣書之頗關禮經者也。漢二百祀。自六藝而傳記而羣書而諸子畢出。既大備。微夫劉子政氏之目錄。吾其如長夜乎。何居乎後世有七經九經十經十二經十三經十四經之喋喋也。或以傳爲經。公羊爲一經。穀梁爲一經。左氏爲一經。審如是。是則韓亦一經。齊亦一經。魯亦一經。毛亦一經。可乎。歐陽一經。兩夏后各一經。可乎。易三家。禮分慶戴。春秋又有鄒夾。漢世總古今文。爲經當十有八。何止十三。如其可也。則後世名一家說經之言甚衆。經當以百數。或以記爲經。

大小戴二記畢。傳經。夫大小戴二記。古時篇篇單行。然則禮經外。當有百三十一經。或以羣書爲經。周官晚出。劉歆始立。劉向班固灼知其出於晚周。先秦之士之掇拾舊章所爲。埒之於禮。等之于明堂陰陽而已。後世僞爲經。是爲述劉歆。非述孔氏。善夫劉子政氏之序六藝爲九種也。有苦心焉。斟酌曲盡善焉。序六藝矣。七十子以來尊論語而譚孝經小學者。又經之戶樞也。不敢以論語夷於記。夷於羣書也。不以孝經還之記。還之羣書也。又非傳。於是以三種爲經之貳。雖爲經之貳。而仍不敢悍然加以經之名。向與固可謂博學明辨慎思之君子者哉。詩云。自古在昔。先民有作。向與固豈非則古昔。崇退讓之君子哉。後世又以論語孝經爲經。假使論語孝經可名經。則向早名之。且曰序八經。不曰序六藝矣。仲尼未生。先有六經。仲尼既生。自明不作。仲尼曷嘗率弟子使筆其言。以自制一經哉。亂聖人之例。淆聖人之名實。以爲尊聖。怪哉。非所聞。非所聞。然且以爲未快意。於是乎又以子爲經。漢有傳記博士。無諸子博士。且夫子也者。其術或醇或疵。其名反高于傳記。傳記也者。弟子傳其師記其師之言也。諸子也者。一師之自言也。傳記猶天子畿內卿大夫也。諸子猶公侯各君其國。各子其民。不專事天子者也。今出孟子於諸子。而夷之於二戴所記之間。名爲尊之。反卑之矣。子輿氏之靈其弗享是矣。問子政以論語孝經爲經之貳。論語孝經則若是班乎。答否否。孝經者。曾子以後支流苗裔之書。平易汎濫。無大疵。無閎意眇指。如置之二戴所錄中。與坊記緇衣孔子閒居曾子天圓比。非中庸祭義禮運之倫也。本朝立博士。向與固因本朝所尊而尊之。非向固尊之也。然則劉向班固之序六藝爲九種也。北斗可移。南山可墮。此弗可動矣。後世以傳爲經。以記爲經。以羣書爲經。以子爲經。猶以爲未快意。則以經之與

儻爲經。爾雅是也。爾雅者。釋詩書之書。所釋又詩書之膚末。乃使之與詩書抗。是尸祝與儻之鬼。配食昊天上帝也。

【註】六經。易。書。詩。春秋。及禮。樂也。【莊周】戰國時人。著有莊子。【奸】求也。【司馬遷】字子

長。著有史記。稱太史公。【六藝】卽六藝。蓋卽六經也。【臆】卽暗。以私意測度也。【劉向】

漢人。字子政。【七略】劉向所分。謂集略。六藝略。諸子略。詩賦略。兵書略。術數略。及方技略也。

【班固】著前漢書者。字孟堅。【周官】書名。又名周禮。相傳爲周公所作。【劉歆】劉向子。

字子駿。【七十子】孔子弟子三千人。身通六藝者有七十二人。因稱七十子。【夷】等也。

【則】法也。【子輿氏】卽著孟子者。姓孟。名軻。【興儻】奴僕也。

葛伯仇餉解

問曰。逸書曰。葛伯仇餉。孟子說之曰。湯居亳。與葛爲鄰。葛伯放而不祀。湯使人問之曰。無以共粢盛也。湯使亳衆往爲之耕。老弱饋食。葛伯率其民。要其有酒肉黍稻者奪之。不授者殺之。有童子餉殺而奪之。葛雖貧。葛伯一國之君。安得有殺人奪酒肉事。答曰。王者取天下。雖曰天與之人歸之。要必有陰謀焉。湯居亳。與葛爲鄰。葛伯不祀。湯教之祀。遣以粢盛可矣。乃使亳衆往爲之耕。春耕夏耘。秋收乃困乃米而藏之廩。而後可以祀。其於來歲之祀則豫矣。其於歲事則已緩。亳衆者何。闕國者也。策爲內應者也。老弱饋者何。往來爲閒諜者也。葛雖貧。土可兼。葛伯放而柔。彊隣聖敵。旦夕虎視。發衆千百入其境。屯於其野。能無懼乎。懼而未肯以葛降。率其民而御之。又不足以御。乃姑殺其閒諜者。夫黍稻之筆橐。

往來兩境。陰謀之所橐也。其民乃發而獻之伯。仇者何。衆詞。大之之詞。殺者何。專詞。殺一人不得言仇。仇不得言殺。史臣曰。葛伯仇餉。得事實矣。又曰。湯一征。自葛載。夫葛何辜。辜在近。後世之陰謀。有遠交而近攻者。亦祖湯而已矣。

〔註〕【葛伯】夏代葛國伯。爵名也。【逸書】已散失之尙書也。【孟子】戰國時大賢。名軻。字子輿。

著有孟子七篇。【湯】商代開國主。滅夏而有天下者。【祖】效法也。

文

覘恥

龔自珍曰。史氏之書有之曰。霸天下之孫。中葉之主。其力弱。其志文。其聰明下。其財少。永嘗不周求禮義。廉恥之士。厚其兒。嫗其言。則或求之而應。則或求之而不應。則必視祖之號令以差。史氏之書又有之。昔者霸天下之氏。稱祖之廟。其力彊。其志武。其聰明上。其財多。未嘗不仇天下之士。去人之廉。以快號令。去人之恥。以嵩高其身。一人爲剛。萬夫爲柔。以大便其有力彊武。而胤孫乃不可長。乃誹。乃怨。乃責問其臣。乃辱。榮之亢辱之始也。辨之亢。誹之始也。使之便。任法之便。責問之始也。氣者。恥之外也。恥者。氣之內也。溫而文。王者之言也。惕而讓。王者之行也。言文而行讓。王者之所以養人氣也。籀其府焉。裴裒其鐘簴焉。大都積百年之力。以震盪摧鋤天下之廉恥。既殄既殲。既夷。顧乃席虎視之餘蔭。一旦

實有氣於臣。不亦莫乎。

【註】【中葉】中世也。

【兒】卽貌字。

【嫗】柔和也。

【差】等差也。卽不同也。

【胤孫】遠代子孫

也。【亢】極也。

【籀】讀而蘊蓄之也。

【府】藏文書之所也。

【裴裴】卽徘徊。流連往復也。

【鐘簠】刻有文字之金石。

【殄】滅也。

【獮】殺也。

【夷】誅滅也。

【席】憑藉也。

【莫】

同暮。

尊任

周禮以九兩繫邦國之民。八曰友以任得民。又曰以六行教萬民。孝友睦婣任卹。杜子春曰。任。任朋友之事者。周爵五等。公侯伯子男。男。任也。子以穀璧養人。男以蒲璧安人。曾子曰。士不可以不宏毅。任重而道遠。任也者。俠之先聲也。古亦謂之任俠。俠起先秦間。任則三代有之。俠尙意氣。恩怨太明。儒者或不肯爲。任則周公與曾子之道也。世之衰。患難不相急。豪桀羅患難。則正言莊色厚貌以益鋤之。雖有骨肉之恩。夙所卵翼之子。飄然絕裾。遠引事外。雖然。豪桀則曰。吾羅患難而呼號求援手於庸人。豈復爲豪桀哉。其言則曰。應龍入智井。不瞑目以待鯁鱗之飽龍肉。而睫淚以哀井上之居民。豈得爲應龍也哉。萬一卒不死。或者天神憑焉。道家者之書有之曰。活一大賢者。功視活凡夫九十萬億。活一聖人。功視活凡夫九萬萬億。吾友陽城令桂林李公則曰。禮曰。弔人弗能賻。弗問其所費。問疾弗能遺。弗問其所欲。見人弗能館。弗問其所舍。吾補禮文之闕。則亦曰。見患難弗能救。弗咎其所以致患難。其言取風示末世。粹然愜然。烏乎。應龍之譬也。肆。俠者之氣縱。道家之言詭。皆非周公曾子法。李公儒者也。古